

# VAN DE BURGEMEISTER...

Biste minse van Haler,

Tot uch spraektj de loco, aangezeen de burgemeister efkes in eine wintjerdip zitj. Daomit mot ich den in aksie komme, want zoa hōbbe wae det noe einmaal vastgelagdj in de gemeintjelijke regelgaeving. Mer hopelijk vindj gae det neet erg...

Alweer ein jaor veurbiej! 2013 is omgevlooge en nao maate deste aojer waerst, liektj ut waal of de tieëd sneller geit! Auch in 2013 is dur weer van alles gebeurdj. De vastelaovendj waas geweldjig met Prins Len I en Prinses Maud. Ze hōbbe de ker weer good getrokke! En ut waerdj ein bietje ein tradisie det Prinse 2 jaor achterein prins kinne waere, of wiltj Prins Len I neet onger doon veur ziene broor ex-prins Jarno I dae auch twee jaor op rie prins waas?

2013 waas auch ut jaor det de Raod van 1/2 11 van twee minse aafsjied heet genomme, mer dur aan de angere kantj 5 noew lede bie kreeg. Daomit komme ze al op 10 man en is de Raod bienao compleet!

2013 waas auch ut jaor det Aojerevereniging de Hommel bienao ter ziele ging. Mer in ein door de bondj opgeroope vergadering waerdje toch besloote det dit neet kin en det dur door gegange mot waere! Wae winse de Hommel veul succes mit dees opgaaf en hoope det de Vereniging blietj bestaon.

Inkele waeke geleeje waerdje door Zij-Actief, de Zonnebloom, Aojerevereniging de Hommel, Dörpseuverligk Haler-Uffelse, Stichting Dorpshoeës Haler en Cafe bie Winy eine kerst-brunch georganiseerdj. Det dao binne de gemeinsjap behoefte aan is moog duudelijk zeen, want mer leefst 115 minse van ut dörp waere dao bie aanwezig! Woa ein klein dörp groot in kin zeen! De organisasie waas top en ut aete heerlijk! Veur herhaling vatbaar zou ich zigke, dus hoopelijk volgendj jaor weer eine brunch!

Daomit kom ich den auch alweer aan ut inj van mien verhaol, want de bladzij is bienao vol. Via deze weeg wins ich, auch naames de burgemeister, Prins Len I en zien prinses Linn, saame mit heure adjudant Maud en de res van de jeugdraod, de Raod van 1/2 11 en alle angere Rabbedabbe eine geweldjig sjoene vastelaovendj toe!

Resjt mich nog idderein te bedanke dae zich op waat veur maneer den auch heet ingezatte veur ut dörp ut aafgelaupe jaor. Vraogdj neet waat Haaler veur uch kin doon, mer vraogdj uch waat gae veur Haaler kintj doon! Auch naames de burgemeister wins ich idderein alle goods veur 2014 mit vol gezondheid, leefdje en wiesheid!

Naames de burgemeister,  
de loco!!

